



PCN ta kuminsá ku renobashon di The Hill Compound na Sint Eustatius

Ku revelashon di e bòrchi di proyekto riba kua por mira The Hill Compound den su aparenia nobo, e doño nobo, Stichting Pensioenfond Caribisch Nederland (PCN), a duna lus bèrdè pa kuminsá ku renobashon.

Renobashon di e kompleho di balor históriko akí, bou di supervishon di Michael Newton di Newton Heritage Consulting, lo dura mas òf ménos 1 aña i mei. PCN, despues di un prosedura di destaho amplio, a konsedé e enkargo di konstrukshon na LICCOM Statia B.V., un kompania ku hopi aña di eksperensia den proyektonan di konstrukshon i renobashon na St. Maarten i St. Eustatius.

“E plan pa renobá e presioso edifisionan aki den nan antiguo gloria i kombertí nan den biennan inmóbil kompleto i funshonal, ta un di e puntonan di lansá di PCN”, di akuerdo ku miembro di direktiva Roy Hooker ku ta representá e islanan St. Eustatius i Saba den direktiva di PCN. “Awor tur kos ta prepará te den detaye – laga nos kuminsá.”

Despues di renobashon pronto The Hill Compound lo bai brinda un kantidat di posibilidat pa hasi uso efisiente di e espasionan paden i rònt di e edifisionan. Vishon di PCN ku The Hill Compound ta pa, banda di logra un rendimentu positivo pa e fondo, ofresé un funshon ekonómiko i sosial renobá na komunidad di St. Eustatius, kaminda tur hende ta sinti nan mes kómodo.

Eksplotashon

Ya a diseña un promé destinashon kaba pa e espasionan. Pa esaki a wak partikularmente kiko – for di e komunidad statiano – tin nesesidat di dje i kon empresarionan lokal por hunga un papel sentral den esaki. E plan maestro su enfoke ta pa ofresé diferente fasilidat di horeka, espasio pa ofisina, un apartamentu luhoso i un tienda di regalo. Pronto ta bai invitá empresarionan lokal pa nan bin dilanti si nan tin interes den un òf mas di e unidatnan disponibel. Ta ferwagt ku e aparenia nobo i kontenido di The Hill Compound lo brinda un estímulo positivo na e sentro di Oranjestad.



Meskla di invershon

PCN ta duna balor na invershon riba e islanan BES tambe, banda di invershonnan riba merkadonan finansiero internashonal. A reservá un parti di e aktiva total pa e meta aki.

